

Bulitinu Informativu

Sumu apanghiulu UNO (United Nations Organization), tu 15-li shi 16-li di Andreu 2008, s-dizvârti Geneva / Helvetie, protlu Forum ti Problemi di Minoritati (United Nations Forum on Minority Issues) cu thema „Minoritâts sh Ndreptulu la Educatsiuni/Praxi“(„Minorities and the Right to Education“). La aestu Forum loarâ parti expertsâ tu problemi di minoritati di iutsido, ditu tutu laolu, ditu Evropa, America, Africa, Australia, Asia, cumu sh reprezentantsâ ditu multi minoritâts.

Cunsillu Armânjloru fu reprezentatu la aestu Forumu UNO di unâ delegatsiuni di trei persoanei : Prezidentulu CA Yiani Mantsu, Grâmâticlu Gheneralu CA Niculaki Caracota sh Vitseprezidentulu CA Steryiu Samara.

Scupolu di nai ma marea simasie alushtui Forum easti thimisitu tu Rezolutsiunea 6/15 a Cunsillui ti Ndrepturli a Uomlui, rezolutsiuni tsi caftâ ca sumu cumândâsearea a Expertlui Independentu tu Problemi di Minoritati (Independent Expert on Minority Issues) :

- s-hibâ cathi anu andreaptâ unâ platformâ di dialog sh cooperari ti problemi tsi mutrescu persoanei cari suntu parti di unâ minoritati ethnicâ, religioasâ icâ lingvisticâ;
- Independent Expert on Minority Issues s-andreagâ tu lucrulu tsi-lu fatsi, expertizi ligati di problematica a minoritâtsloru;

- forumlu ti minoritâts lipseashti s-identificâ shi s-bagâ tu analidzâ nai ma udisitili praktikii icâ initsiativi, ashi turlie, ca UNO s-poaâ ta s-implementeada unâ Declaratsiuni sânoasâ, andicra di Ndrepturli a Minoritâtsloru;
- ricomandârli/dimândârli tsi va s-amintâ dupu cathi unu forumu s-hibâ raportati la Cunsillu ti Ndrepturli a Uomlui.

A s-hibâ câ anvitsâmu multu amânatu ti aestu Forumu shi kirolu ti andridzeari fu multu shcurtu, bânâmu haraua câ putumu di featsimu avdzâtâ catandisea a popului armânescu tu atseali dauâ shcurti “speech”-uri tsânuti di Prezidentulu CA, Yiani Mantsu (tu limba ingledza/anglica) cumu sh di Grâmâticlu Gheneralu Niculaki Caracota (tu limba frântseascâ).

Cu furnjia alushtuii Forum, delegatsiunea CA avu muabets ahoryia cu UNO Expert on Minority Issues (Expertulu UNO tu Problemi di Minoritati), cu UNO High Commissioner for Human Rights (Comisarlu UNO ti Ndrepturli a Uomlui), cu Ambasadorlji permanentêsâ di Geneva ali Gârtsie, Arbinishie, ali R. Makidunia (FYROM – numa ofitsiala la UNO) sh ali Rumânie, cumu sh cu multsâ altsâ reprezentantsâ di minoritâts cu cari s-adrarâ multi alâxeri di mindueri.

Tu concluziuni, putemu s-dzâtsemu câ furâ dauâ zdâli mplini, dauâ dzâli cându putumu s-adnâmu ... multi imishi !

Tuti interventsionli orali adrati di participantsâ la aestu forumu va alânceascâ/ va hibâ publicati tu UNO Forum's web site.

Tu un Bultinu Informativu tsi va-lu pitritsemu câta mass-media armâneascâ, pânâ tu ishita di mesu Andreu, vremu s-arâdâpsimu aesti daua shcurti “speech”-uri/intervensiuni di la “UNO Forum on Minority Issues”.

Consillu Armânjlor
Biroulu Executiv

Frankfurt,
tu 17-li di Andreu 2008

(Bultinu Infurmativu Nr. 4)